

Sed esto: plura etiam concedo: Remaneat pars fumi extincto Cometa. Scire uelim à tanto sapiente, qua ratione, qua uí, ex fumo qui sub æthere manet (ibi enim Cometæ ardor) uenti apud nos fiant. Quid fumus de cœlo & summo igne deorsum pellit? Num calor ignis? At hîc, uel nullus ibi est, ut puto, uel, si fuerit, ad se rapiet uehementer, cum fumus ille sit aptissima ignis esca. Certè ad fornacem non uapor tantum, uerum etiam ipse aer frigidus magno impetu fertur, ut uel flammam ab ostio fornacis impellat, quod ego sæpe admirans obseruauí. Num cœlum fumos depellit? Profectò si hoc dicant, id erit, uel quia cœlum æthernum est, uel quia lucidum, uel quia circumlatum. Quid cum fumo cœli substantiæ? Lux autem & radius nec trahit nec pellit. Motus autem potius rapiet & retinebit, quàm possit detrudere. Et placet omnibus istis, ut cœli uertigo fumum calefaciat & inflamet: id quod omnino fumi descensum impedit. Nam stellas dicent hoc facere? Sed in his, ut de cœlo dixi, nulla uirtus ad fumum depellendum, Sed contrà potius tollendum, quanquam & istud ex accidenti. Nam stellæ suapte natura illuminant, reliqua aliunde sequuntur. Calor enim in aere concursu & conflictu radiorum fit. Concursus ex re percussu. Hoc autem ex cavitatibus terre. Aere iam calefacto, terra & aqua incalescunt: inde uapor emergit calidus, qui sua sponte, tollente leuitate ac tenuitate, ascendit. Quid igitur? ipsemet fumus qui sub æthere hæret, ultrò delabetur? Si fumus re uera ille sit, nec uerbo fumus, natura uerò lapidis aut grandis nunquam ad nos uoluetur. Leuis enim omnis halitus & uapor, & hinc à nobis ascendit. Minuè igitur sublatus descendit, præsertim ijs de causis, quia in callidissimo est, ut uolunt, loco, et propè cœli motum, ut aiunt, calefacientem, & post incendium excellens, unde fumi maior erit, quàm prius fuerit, cum calor, tum leuitas. Dicent (hîc hærebunt) post Cometam fumos gigni. Credam si causas addiderint. Nam à Cometa præsentem nullus calor. Equidem rigebam hoc

Concessio

Noua quæ  
stio in Ari-  
stotelemDescensus  
fumi ad uer-  
tutem edendūContentio  
acrior

Occupatio

Sensus in-  
ter argu-  
menta

E